



www.BibleForChildren.org


Matyu 26



Aria, Pasowanu
Hobul bekkunu
heehe, ded eblaih
laippu daye, Jesus Nug
tatam danab mauhe madettom
ele onig Lasarus, nug appagppa
Betani ukkom.




Ee lanana,
Maria nug leppu
muttutig enanag, uug
nuhig 350 gram, nuhig daden
okkai ele amu, nug amu
awa, Jesus baeg gokkad
qettowa, ikki udugppa Nug baeg
oppiom. Ag leppu amu bala laa
onig nad, amuppaib heppig.
Anam he, leppunu muttutig lag
amu oh tona malom.



Aria, haen amuppa ippunittak awak danab 12, ag
oolagppan laa, nug onig Judas Iskariot, nug mana
mettak danab okkai gumatta ukka,
Jesus ag eppelagppa
mekkunu aum.




Nug anam a amu ag enanagnab doon, nug anam
heeb, ag men dodo mettaglagnu nai qakkan appig.
Ag anam aeg amunu, Judas nug
haen ena adekku Jesus ada,
ag eppelagppa mekkunu
ib mattiom.



Jesus Nug anam a, nuhikkud
ippunittak awak danab aa Nug
ode dim lamidya, Pasowanu ee
bappaidpid. Jesus Nug anam a,
ag ee lanana daanna, Jesus Nug
bret awa, Mameg amegppa, “Ena
heme” awowa, pane ne, pania
nuhikkud ippunittak awak danab
madatta, Nug aum.

“Ag aon laig!
Imuam da
bedul,” awa aum.



Nug anam awowa amu, Nug kap
wain awa, unuqittowa madatta
Nug aum. “Ag oh aon laig! Imu
da tiil, amuppa da nug tituana nai
qakkak bau hettem. Da danab ah
kudum dilag hipunin uhuqen
madakkulnu gokkadtttem.”



Jesus Nug nai amu mattiowa Nug Saimon onig diia,
baula aum. “Saimon, Saimon, na doye! Satan nug
matu ag ahilag ooppa genab doyak am gagattag o
gagattag iitta anttaknu, uug madakkunu Kayak od
mettom, amge Saimon, da na ehanitten, ooppa genab
doyak nahip amu iitta ii memanu Kayak unuqidmi.
Amu geha na edun
gagattag daanna,
na laipad gagattag
daaglagnu
ehanatte!”
awa aum.



Nug anam a, Pita nug Jesus amegppa, “Nadi da na ele maniguittakppa goda, oh mauhkkunihnu uug ii doottem. Hekkulnuib doottem,” awa aum. Amge Jesus Nug aum. “Pita, da na amenppa attem, tuqan imuppa na dahilnu, ‘Da Nug ii doottem,’ aon, haen ewam batak akkut. Na haen ewam anam appe, geha matuk dawai nug gaakku,” awa aum.



Ag anam aeg amu, Jesus
Nug ag ele oh aben laa
onig Getsemani, ag appa
goppig. Gona amu Nug
ippunittak awak danab
amelagppa aum. “Da uppa
ukken unuqidppippi, ag
iguppa dayeg!” awa aum.




“O Mame, Mame, adi
keeke haknu daatte amu,
na hekkutnu elele. Amu
uug oh da maokkul ele,
amuam leppu mua ehed
nau kap-ppa daatte bia,
amu na ib laa anidna
appe, da le kap amuppanu
amu da ii lapa, amge na
dahil dabmaknab aottem ii
dim lamidmana, na
nahip dabmaknab aottem,
amuib dim lamidkkutnu
ool daatte!” awa aum.



Amunu Judas nug Rom dilag ban danab laala, amu daup ag Kayaknu mettid lag gumappig ele, ag oolagppanu mana mettak danab okkai amu do gumak danab-Parasia ele ag laala heeg goppig ele amu, Judas nug ag oh ib ippuanatte, aben amuppa udippig. Ag amahlak, hul amu ban haknu keeke ele aon goppig.




Ag anam awona, ag oolagppanu laa aha, qep nuhig awa, mana mettak ikki danabnu madi nid laa daug nadiap hoiyom. Jesus Nug ippunittak awak danab nug anam he antta, Nug aum. “Kobol amu uueg!” awa aum. Awona Nug danab amu nug daug nakok ade, daug edua dayom bia tuadiom.



Jesus Nug nai amu amelagppa ana male, ag Nug adan
aon goppig. Ag Nug aon, mana mettak ikki danab
laugppa ukkaegeg, Pita nug nakok pide dim
lamatta ukkom. Amu
danab ag lag amunu
hadap-ppa aab ilan
udigna daaegeg,
Pita ele oh daappig.




Anam ukke amu, mana
mettak ikki danabnu
madi nid laa, nug am
madi nid Pita daug
hoiyom ele, nug amunu
tiig laippu amu, nug Pita
od meum. “Da na olip dad
appa Jesus ele daaeheh, na
iite anidmi,” awa aum. Anam a
amu Pita edua amegppa, “litta,”
awa aum. Nug anam a, haen
amuppanab matuk dawai gayom.
Nai amu daugppa do, aakku
Pita dimittim ukka, oo doyak
huanak ele gayom.




Ag Jesus aum amu doona, ag oh
ahan, omalna Pailat toppa gona,
nug eppegppa meppig. Ag anam
aeg amu Pailat nug Jesus od
mettom. “Na Juda dilag
kingte?” A amu Jesus
aum, “Na aakku attem,”
awa aum. Pailat nug Jesus
uhuqkkunu oo dayom
amunu, nug danab ah

amelagppa Jesus uhuqkkunu
baula aum, amge ag enan appig.


“Ad emaitakppa atule, ad
emaitakppa atule!” aon eppig.




Anam aeg amu Pailat Jesus ad
emaitakppa atulkkulagnu ag
eppelagppa meum. Pailat Jesus
ag eppelagppa me, ban danab
ag aoeg, Jesus nukka ad
emaitak mawewe, aben laa onig
Ikki Ebehinu Aben, appa goppig.
Hibru naippa ag aben amunu
Golgata aon atteb.



Ag aben amuppa ad emaitakppa
atulppig. Danab adit laa ele nug
heqo laih laih atulatppig,
ag Jesus gamagppa
atulppig.



Ag anam heeg ukke, aam ameg 12ppa gatatu na, wan
amu oh tone ukke, tueb aam ameg ewamppa batom.
Anam he, lamen okkai Kayaknu mettid lag ooppa aiheg
dayom amu kattida adit meum.
Anam he, Jesus Nug baag
okkaippa ewa aum. "Mame,
da oudil na eppenppa
mettem," awa aum.
Nug anam awowa,
Nug mauhom.



Aria, Jesus Nug mauhe, tueb meeme,
ded amuam Sabatnu keeke
babaittaknu ded, ded amu
dimugppa am Sabat ded
amunu, Arimatea ted
Josep nug ii bada,
Pailat toppa ukka,
Jesus gada
aokkunu od
mettom.

Josep nug Juda dilag
hettodiak okkai onig
Sanhidren, amunu nug
laa aakku.



Amu laa ag amunu danab daappig
amu nug ag oolagppanu am onig
ele. Laa ele nug ayaknu do
madod ameg meum. Pailat
nug a amu, Josep nug
linen lamén dadén ma,
Jesus gada ad
emaitakppanu
awowa, gada
lamén amuppa
ita, men

mod bappaidppig ele,
amuppa mewowa,
nug men laa budibdib
mette ukka, men mod
ode qehakkom.



Amu ded ag Sabatnu bappaidppig ele,
ded amu uue, wagde ded
amuppa mana mettak
danab okkai am do
gumak danab-Parasia
ele ag gona Pailat
laugppa qagmeppig.
Qagmena ag
appig.




“Nadi, ig hambuppuak danab amu,
nuhig nai laa daunigppa
doun. Nug bau dayaya
Nug, ‘Ded ewam ukkeb,
da edue hippaidkkul,’
aum amunu, nuhig
ippunittak awak
danab ag gona,
gada awona,” . . .




... “ag danab amelagppa, ‘Nug
edua hibaittom,’ amananu,
na appe, laa ag mod
amuppa epponak keeke
laa heppeg, mod am
hag mak anam dayeb
ukkeb, ded ewam
batad!”




Nug anam a, ag gona, hag maknu
epponak keeke laa
menppa mewona, ban
danab laa maatteg,
mod amu guman
daappig.




Amu Sabat ded ukka male, wagde
mettidnu ded digmakppa aam
bekkunu heehe, Maria,
Makdala ted amu Maria
laa ele aa mod
anidkkulahnu gopid.
Ukkaekeh am mim
okkai neum.




Adinu? Nadinu engel laa hab
aabppanu na, modppa ukka, men
budibdib mette ukke, ameg
kola, men amu qadeppa
hedep na dayom. Ban
danab ag nuhignu
badaeg, bedulag
hahadede, danab
mauhak bia
niippig.




Am engel nug ah adit amelahppa aum.
“A aib badapid! Da doottem, aa
Jesus, ad emaitakppa
atulppig amu, aa Nug
madittep. Nug ippa ii
daatte, nug anukka
aum bia edua
hibaittom! Aa doya,
Nug niiom aben
iikkud antted!”



Engel anam a amu ah adit aa badapid,
amge madodppan gamag ahak
okkainab ele dooya, mod uuya,
nuhikkud ippunittak awak danab
amelagppa akkulahnu qaiqad
gopid. Aa anam ukkaehev amu,
antte! Jesus aa udalti teum.



Nug ta amu Nug, “Buttua ena,” awa
aum. Jesus anam a amu aa Nug
gukkuidya waya, baeg adaya, aa
dup noa binag mak hepid.



A simple, hand-drawn line in the top left corner of the page, consisting of several connected loops and a long horizontal tail that extends towards the right.

Dimppa amu Jesus Nug ippunittak awak danab 11 ag
ee lanana daaegeg, Nug tula gumatta wana, Nug ag
ooppa genab doyak iitta daanna, ag laa ag Nug edua
hibaittom dimppa anidna, ag amelagppa appig, amge
ag oolagppa genab dooglagnu uun, ahilag dabmak
amu gagattag eppom, Nug amunu daulag batom. Nadi
Jesus Nug anam a amu Kayak Nug he, Jesus Nug hab
aabppa ta, Kayak eppeg nadiap-ppa hedep na dayom.



Kayak Nug wanppan danab ah dilagnu oo
huana mauhom amunu, Nug Bekka
laippunab me udiom. Nug me udiom
amunu, aun nug nuhignu ooppa genab
dootte ele, nug padal ii mema. litta!
Nug bauklel hanhannu aokku.



Rom 3:23

Adinu? Ig danab oh ig hipunin hemut amunu, ig Kayak Nug
ihinignu ig attem daagnignu dabmeum amu, ig amubia laa
ii daattem.

Rom 6:23

Hipuninnu nob am mauhak, amge Kayak Nug ig ihinig
Nadi, Kristus Jesusnu udatppa bauklel hanhannu ihinig
daakkunu hamu megatte.

Hibru 9:27

Danab oh ag haen laippuib mauhkkulagoitte; amu dimppa
ag hettodiakppa tekkulagoitte,



Epesus 2:8,9

Ag Kayaknu oolagppa genab dooppig amu, amuppa Kayak Nug ehanittak okkai hamu matta, Nug ag edua diia, bauklel mattom. Nug ahilag udat, Nug amunu dabmaama ii mattom. litta! Nug ag ahilag daakkunu hamu mattom.

Rom 10:9,10

Amu nai amuam inam. Na odenppa, “Jesus am Nadi,” genab akkut, Kayak Nug Jesus mauhakppanu he edua hibaittom ele ootppa genab dookkut amu, Kayak na edua awidkku. Amunu diig am, danab nug nuhig oo unuqagppa [Jesusnu] ooppa genab dootte, amuppa [Kayak he,] nug genab tutukku hak danab daatte. Ge, danab nug odeppa nuhig ooppa genab doyaknu maditte, amu ooppa genab doyak amuppa Kayak Nug danab amu edua aotte.



Jon 3:16,17

Kayak Nug wanppan danab ah dilagnu oo huana mauhom amunu, Nug Bekka laippunab me udiom. Nug me udiom amunu, aun nug nuhignu ooppa genab dootte ele, nug padal ii mema. Iitta! Nug bauklel hanhannu aokku. Kayak Nug, Nug Bekka wan imuppa me udiom, amge Nug wanppan danab ah epediadkkunu me ii udiom. Iitta. Kayak Nug nuhigppa wanppan danab ah edua diiadkkunu me udiom.

1 Jon 5:11-13

Amu Kayak Nug adi ippunikkom? Nug bauklel hanhannu ig mekkom, amu bauklel amu ig Nug Bekkanu aottem. Aun nug Kayak Bekka ele laippu daattem amu nug bauklel ele, am aun nug Kayak Bekka ele laippu ii daattem, nug bauklel iitta. Da ag Kayak Bekka, ag nuhignu oolagppa genab dootteb amu, da ag bauklel hanhannu aoppig daattem genab dooglagnu, da ahilagnu nai imu yaattem.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Nobonob Bible (gaw) © 2022, Wycliffe Bible Translators, Inc.
All rights reserved.

<https://www.bible.com/bible/943/GEN.1.NB>

©2026 Bible for Children, Inc.

www.M1914.org

www.bibleforchildren.org

